

Nakkutilliinermut Suliaqarnermullu

Immikkoortortaqarfimmi pisortaq

Akilerartarnermut Aqutsisoqarfik Nakkutilliinermullu Suliaqarnermullu immikkoortortaqarfimmut suliaasanut pikkorissuuk pisortassarsiorpoq.

Immikkoortortaqarfik pillugu

Nakkutilliinerup Suliaqarnerullu pingaarnertut suliaassat isumagisai makkuupput akileraarutit, akitsuutit aamma akitsuusiussat iluanni suliaasaqarfik;

Akileraarteqarnermut suliaasaqarfimmi ingerlatseqatigiiffinnik, inuussutissarsiortunik namminersortunik sulisitsisunillu aqutsineq nakkutiginninnerlu aamma akitsuusiussanik akitsuutinullu suliaasaqarfimmi aqutsineq nakkutiginninnerlu.

Immikkoortortaqarfik aaqquissuusaanikkut allaffinnut sisamanut immikkoortitigaavoq sulisut Nuummi, Qaqortumi, Ilulissani Danmarkimilu inissinneqarsimallutik. Suliffeqarfinnik ingerlatseqatigiiffinnillu Ilitsersuineq, akileraarusiineq aamma kukkunersiineq suliarineqartarput. Nalinginnaasumik pappiaranik ilanngussanik nakkutiginninnermit nuussinermi akinik nakkutiginninnermut aamma aningaasanik peqquserluuteqarnermi malunnarunnaarsaaneq, suliaq akileraartitsisunut nalunaarutiginnitsumut, nalunaarutigineqanngitsumik sulinermut tunngatillugit immikkut ittumik nakkutiginninneq, nunani allamiut ingerlatseqatigiiffiit akileraartussaataitanerup aalajangersarnera il.il., nakkutiginninnerup tamaasa suliarai. Nunanut tamalaanut isumaqatigiissutitut kiisalu nunanit tamalaannit oqartussanut oqartussaniilu paasissutissanik paarlaateqatigiinnermut tunngatillugu suliaq oqartussaasutut piginnaasaqarlutut immikkoortortaqarfiup isumagisarpaa. Angalasunik tikittunik aallartunillu kiisalu nioqqutissanik eqqussinermi annissinermilu nakkutilliineq akitsuuserinermut suliaasanut ilaapput. Eqqussinermut akitsuutinut aamma eqqussinermi annissinermilu nalunaarutigineqartunut tunngassuteqartut suliaassat aamma allaffiup isumagisarai naatsorsuutigineqarporlu ukiup ingerlanerani akitsuutinut suliaasaqarfinnik allanik nakkutiginninnermut suliaassat amerlisinneqarumaartut.

Oqartussanik allanik suleqateqarneq

Oqartussaasunik allanik immikkullu politiinik, nunat avannarliit akitsuusersuinerup oqartussaasuinik danskillu akileraartarnermut oqartussaasuinik pitsaasumik qanimullu suleqateqarpugut. Akileraartarnermut akitsuusersuinerullu allaffitsinni ukiuni makkunani politikikkut assut tapersorsorneqarluta aningaasanik peqquserluuteqarnermi malunnarunnaarsaaneq aamma suliaq akileraartitsisunut nalunaarutiginnitsut immikkut ittumik sammillugit.

Atorfik

Immikkoortortaqarfimmi pisortatut immikkoortortaqarfimmut sulianut tunngasutigut sulisoqarnermullu tunngasunut akisussaasuussatit.

Qaffasissuuk naammassisaqarsinnaassuseq suliaassallu isumaginerani pitsaassutip qulakkeerneqarnissaat immikkoortortaqarfimmi pisortatut saniatigut akisussaaffigaat.

Inatsilerituujusariaqanngilatit, kisianni sammiviliisinnaasariaqarputit, akileraartarnermi akitsuutinullu suliaasaqarfimmit aalajangiinerit inatsisitigut attanneqarsinnaasut, qarasaasianut (it) ingerlatsinermut tapiissutit naleqquttut aamma isumalluutit agguataarnerat naleqquttoq naapertorlugit, suliaassat inatsisitigut aalajangikkat isumagineqarnissaannik qulakkeerinnullutit sallinngortitsisinnaasariaqassatit. Tamanna pissaaq suleqatit, suliamut immikkut ilisimasallit aamma suleqatigisat attuumassuteqartut qanimut peqatigalugit oqaloqatigalugillu.

Suliamut aamma aqutsisinnaassusermut piumasaqaatit naatsorsuutigaarput,

aqutsisuusutit misilittagalik uppersarneqartumik aqutsinermik piginnaasalik kiisalu pisortat ingerlatsinerannik, suliffimmik politikikkut aqunneqartumik peqqissaartumik paasinnissuseqartutit misilittagaqarlutillu aamma immikkoortortaqruiup akisussaaffiik tamakkiisumik ilaannakuusumilluunniit sulianik ilisimasaqartutit.

- Suliamut pineqartumut ingerlaqqittumik ilinniagaqarsimasoq
- Misissueqqissaarnermut pilersaarusiornermullu piginnaaneqarlutit
- Anguniakkat aalajangersimasumik iliuuseqarfigineqarnissaannut aqunnissaannullu timitaliinissamut piginnaaneqartutit

Inuttut piginnaasat

Naatsorsuutigineqarpoq qinnuteqartoq nunap iluani aamma nunani tamalaani pissutsinik paasisimasaqarlutiq. Sulisussaq eqqortoq attaveqatigiinnermut suleqateqarsinnaanermillu sakkortuumik piginnaasaqassaaq kiisalu inuttut sunniuteqarluarsinnaaneq. Atorfimmi piumasaqaataapput erseqqissumik aqutsisinnaaneq, immikkoortortaqarfimmi eqaatsumik ingerlatsinerup qulakkeerneqarnissaanut ineriartortinnissaanut attassiinnarnerlu, aqqissuussaanerup pisariaqartitaanik ingerlaavartumik ineriartortitsineq naleqqussaanerlu.

Tamatuma saniatigut qinnuteqartoq naatsorsuutigineqarpoq tatiginartuussutsi takutissinnaagaa, suliaminut aqqissuussaasumik periaaseqartoq inuttullu attavigininnermik erseqqissuunermillu pingaartitsisoq, sulinermi avatangiisinut pitsaasumik tunngaviliisut – pisortatut qaffasissulimmi ilaatigut Akileraartarnermut Aqutsisoqarfimmi sulisunut.

Neqeroorutigaavut

- Kalaallit Nunaanni Namminersorlutik Oqartussani pisortatut atorfik pissanganartoq pingaarutilillu
- Kalaallit Nunaanni nakkutilliinermi suliassap ineriartornerani sunniuteqarnissamut periarfissaq
- Sulinermi avatangiiseqarneq suleqatinik tunniusimasunik piginnaanilinnillu
- Aningaasarsiatigut atorfinitsitaanermilu atugassarititaasut Kalaallit Nunaanni Namminersorlutik Oqartussani pisortanut isumaqatigiissut atuuttoq naapertorlugu pissapput

Ulloq atorfiniffissaq

Atorfik piaarnerpaamik imaluunniit isumaqatigiissuteqarnikkut inuttalerniarneqarpoq.

Paasissutissat sukumiinerusut

Annertunerusumik atorfik pillugu paasissutissat pineqarsinnaapput Aqutsisoqarfimmi pisortaagallartumut Lisbeth Møller Jensen, oqarasuaat 34 52 58 maili: lsmj@nanoq.gl

Qinnuteqaateqarnissamut piffissaliussaq: 1. september 2026

Atorfinitsitaanermi atugassarititaasut

Atorfik akissaateqarfimmi LR 38-mut naapertuuttumi maanna inissisimavoq. Akissarsiat aalajangersimasumik agguartorneqarsimapput ukiunut aalajangersimasunut isumaqatigiissuteqarnermut tapit ilanngullugit LR 38 aallaavigalugu 1. april 2026-miit qaammammut Kr. 64.048 Kr.-upput ukiumullu 768.576.

Aallaaviatigut isumaqatigiissutini atugassarititaasut naapertorlugit atorfinitsitsisoqassaaq, qinnuteqartoq tjenestemanditut atorfeqareersimaguni nunatsinni pisortani tjenestemandit pillugit inatsisit malillugit tjenestemandinut atugassarititaasut naapertorlugit atorfinitsinneqarsinnaavoq.

Atorfimmut tunngatillugu piffissap suliffiup annertunerpaaffianik
aalajangersaasoqarsimanngilaq aamma qaangiuttoornut taarsiiffigineqarnissaq pillugu
aalajangersakkat, aamma ullunut suliffiusussaannigitsunut taartisiassat pillugit
aalajangersakkat atuutissanngillat, aallaavittut sapaatip akunneranut suliffigisassat
akunnerit 40 tiimiupput.

Akissarsianut atorfeqartitaanermullu piumasaqaatit, taakkununnga ilanngullugit
atorfinikkiartorluni soraarlunilu angalanermut aamma pequtit nassiunneqarnerinut
akiliunneqarsinnaatitaaneq, Namminersorlutik Oqartussat aamma pineqartup kattuffiata
isumaqatigiinniarsinnaatitaasup akornanni isumaqatigiissutit piffissami atorfiniffiusumi
atuuttut naapertorlugit pissapput.

Inissaqartitsineq Atorfimmut atatillugu malittarisassat sukkulluunniit atuutsinneqartut
naapertorlugit sulisunut inissiamik pequsersoringaanngitsumik
innersuussisoqarsinnaavoq. Qinnuteqartut atorfitsik aqutigalugu ineqartinneqareersut
imaluunniit kommunimiit Namminersorlutik Oqartussanilluunniit pigineqartunik ineqartut
inissaannik innersuussisoqarsinnaanngilaq. Ineqarnermut akiliut aamma ineqarnermut
qularnaveeqqusiissutit inigisamut innersuunneqartumut malittarisassat atuuttut
naapertorlugit akilernerqartassapput. Sulisutut inigisaq atorfeqarnermut atasuuvoq,
atorfeqarunnaarnermilu qimanneqartussaassalluni.
Ineqarnermut akiliut aamma inissiap pitsaassusia inissiap qanga sananeqarsimanera,
piginnittua il.il. apeqqutaallutik nikerarsinnaapput. Sulisutut ataavartumik initaarnissaq
utaqqinarsinnaavoq, taamaattumik utaqqiisaasumik inissiisoqarsinnaasarpog, matumani
najugaqatigiiffiit minnerusut imaluunniit akunnittarfinni inissiat aamma ilanngullugit
najugaqarfigineqarsinnaallutik, taakkulu akileraarusersorneqartussaapput. Sulisunut
inissiami imaluunniit utaqqiisaasumik inigisami uumasuutit anginerusut, soorlu qimmit
qitsuilluunniit, uumasuutigineqaqqusaanngillat.
Qinnuteqaat, CV, ilinniarsimanermut aamma pikkorissarsimanermut uppersaasatit
aamma pappiaqqat allat pingaaruteqartut "Qinnuteqaat nassiuguk" toorlugu nassiutikkat.
Mailikkut qinnuteqaatinik tigusineq ajorpugut.